

GLAO AR LÉIRIÚ SPÉISE – GNÍOMHAIRÍ AR CONRADH
GRÚPA FEIDHME II – ALTRAÍ PÉIDIATRAICEACHA/OIBRITHE
CÚRAIM DO LEANAÍ Ó 0 GO 3 BLIANA D'AOIS I NAÍOLANN
(FEAR/BEAN)

EPSO/CAST/S/13/2015

I. RÉAMHRÁ

Ar iarraidh ón gCoimisiún, tá an Oifig Eorpach um Roghnú Foirne (EPSO) ag seoladh próiseas roghnúcháin chun bunachar sonraí d'iarrthóirí ar éirigh leo a chur ar bun óna bhféadfar baill foirne ar conradh a earcú mar altraí pédiatraiceacha/oibrithe cúraim do leanaí ó 0 go 3 bliana d'aois i naíolann.

Earcaíonn an Coimisiún Eorpach gníomhairí ar conradh chun inniúlachtaí breise a sholáthar i réimsí teicniúla. Fostaítear gníomhairí ar conradh i gcomhréir leis na coinníollacha atá leagtha síos i Roinn IX den ghlaó seo ar léiriú spéise.

Tá na coinníollacha oibre sna hinstiúidí Eorpacha leagtha síos i gCoinníollacha Fostaíochta Sheirbhísigh Eile an Aontais Eorpaigh, atá le fáil ina n-iomláine ag <http://eur-lex.europa.eu/LexUriServ/LexUriServ.do?uri=CONSLEG:1962R0031:20140101:EN:PDF>¹.

Is é an Coimisiún Eorpach a úsáidfidh an bunachar ina mbeidh sonraí na n-iarrthóirí. Is sa **Bhrúiséal** agus in **Ispra** go príomha a bheidh na poist lonnaithe, de réir riachtanais na seirbhísí.

Ba mhaith leis an gCoimisiún a chur in iúl do na hiarrthóirí gur gnách go gcuireann líon mór iarrthóirí ardcháilithe isteach ar na próisis roghnaithe gníomhairí agus go n-éiríonn an próiseas sin le cuid mhór acu. Is dócha, mar sin, go mbeidh líon na n-iarrthóirí a gcuirfeadh a n-ainm sa bhunachar sonraí níos mó ná an líon post do ghníomhairí ar conradh a bheidh le fáil sa Choimisiún do phróifíl an roghnúcháin seo.

Ag seo an líon iarrthóirí, a bheag nó a mhór, atá na hinstiúidí a iarraidh don tréimhse 2016-2019:

Grúpa feidhme	Teideal na feidhme	Líon
Grúpa Feidhme II	Altraí pédiatraiceacha/oibrithe cúraim do leanaí ó 0 go 3 bliana d'aois i naíolann.	130

¹ Na rialacha ginearálta cur chun feidhme maidir le coinníollacha fostaíochta gníomhairí ar conradh an Choimisiúin agus Pharlaimint na hEorpa, tá siad ar fáil ar shuíomh gréasáin EPSO: http://europa.eu/epso/index_ga.htm. Tabhair do d'aire go bhfuiltear ag athbhreithniú na rialacha ginearálta sin faoi láthair.

II Dualgais

Agus é ag obair faoi mhaoirseacht oifigigh, beidh na dualgais seo le déanamh ag an ngníomhaire ar conradh:

- I naíolanna an Choimisiúin Eorpaigh (sa Bhruiséil nó in Ispra), cúram caidrimh agus oiliúna a thabhairt do ghrúpa leanaí idir 0 agus 3 bliana d'aois i gcomhréir leis an gclár oideachais atá ina chreat tagartha ag an bpost chun gur féidir le gach duine acu a fhéiniúlacht féin a mhúnlú, neamhspleáchas a bhaint amach agus a chuid inniúlachtaí féin a fhorbairt.
- Timpeallacht shuaimhneach shlán a chruthú a oireann do chompord an linbh agus ar féidir leis teacht in inmhe inti.
- An aird a thabhairt do gach leanbh, duine ar dhuine, a theastaíonn uaidh, go háirithe nuair a bhíonn gaireacht ar leith i gceist (béilí agus cúram pearsanta).
- Caidreamh cuirtéiseach a bhunú agus a chothabháil leis na tuismitheoirí agus oibriú i gcomhar leo chun rannpháirtíocht agus forbairt an linbh a chur chun cinn.
- Páirt ghníomhach a ghlacadh sna himeachtaí éagsúla oiliúna chun na hinniúlachtaí gairmiúla a dhaingniú agus chun go mbeidh an modh oideachais comhleanúnach.
- Oibriú go solúbtha i bhfoireann agus, mar chuid de sin, ionadaíocht a dhéanamh más gá.
- Buidéil diúil a ullmhú más gá i gcomhréir le rialacha diana sláinteachais agus sábháilteachta na foirne.

III. CLÁR AMA TÁSCACH AN PHRÓISIS ROGHNÚCHÁIN

Is é EPSO a bheidh i bhfeighil an phróisis, agus beidh bord roghnúcháin de chúnamh aige a mbeidh ionadaithe ó sheirbhísí agus institiúidí an Choimisiúin ina mbaill de. Ag seo an clár ama **táscach**:

CÉIMEANNA	DÁTAÍ TÁSCACHA
Clárú	Iúil 2015
Roghnú ar bhonn scagadh buanna	Lúnasa 2015
Triailacha inniúlachtaí	Meán Fómhair—Deireadh Fómhair 2015
Torthaí na dtrialacha inniúlachtaí	Samhain 2015

IV. INCHÁILITHEACTH

Cuireann institiúidí an Aontais Eorpaigh beartais comhdheiseanna i bhfeidhm agus glacann sé le hiarratais gan aon idirdhealú a dhéanamh atá bunaithe ar aon fhoras amhail tionscnamh ciníoch nó eitneach, creideamh polaitiúil, creideamh fealsúnach nó creideamh reiligiúnach, aois nó míchumas, gnéas nó claonadh gnéasach nó stádas pósta nó teaghlaigh an iarrthóra.

Ní fhéadfar thú a earcú mar ghníomhaire ar conradh mura gcomhlíona tú, ar an dáta deiridh atá leagtha síos don chlárú ar líne, na coinníollacha seo a leanas:

A. Coinníollacha ginearálta

- (a) Bheith i do shaoránach de Bhallstát den Aontas Eorpach.
- (b) Do chearta go léir mar shaoránach a theachtadh.
- (c) Aon oibleagáid atá ort faoi dhlíthe do thíre féin i dtaca le seirbhís mhíleata a bheith comhlíonta agat.

- (d) Na riachtanais charachtair a chomhlíonadh a theastaíonn chun na dualgais i gceist a dhéanamh.
- (e) Na coinníollacha corp-acmhainne a theastaíonn maidir le dualgais an phoist a dhéanamh a chomhlíonadh.

B. Íoschoinníollacha sonracha – Oiliúint/taithí

Altraí pédiatraiceacha/oibrithe cúraim do leanaí ó 0 go 3 bliana d'aois i naíolann.

- oideachas iar-mheánscoile agus dioplóma bainte amach ag a dheireadh a bhaineann le cúram agus oiliúint na luath-óige nó
- oideachas iar-mheánscoile agus dioplóma bainte amach ag a dheireadh i réimse seachas cúram agus oiliúint na luath-óige agus taithí dhá bhliain ar a laghad a fuarthas ina dhiaidh a bhaineann go sonracha leis na dualgais a bhfuil cur síos orthu i Roinn II nó
- oideachas dara leibhéal a bhaineann le cúram agus oiliúint na luath-óige agus dioplóma bainte amach ag a dheireadh lena bhféadfadh an duine leanúint ar aghaidh go dtí oideachas iar-mheánscoile agus taithí oibre trí bliana ar a laghad bainte amach ina dhiaidh a mbaineann bliain di ar a laghad go sonracha leis na dualgais a bhfuil cur síos orthu i Roinn II nó
- oideachas dara leibhéal i réimse seachas cúram agus oiliúint na luath-óige agus dioplóma bainte amach ag a dheireadh lena bhféadfadh an duine leanúint ar aghaidh go dtí oideachas iar-mheánscoile agus taithí oibre trí bliana ar a laghad bainte amach ina dhiaidh a bhaineann go sonracha leis na dualgais a bhfuil cur síos orthu i Roinn II nó
- an scolaíocht éigeantach a bheith déanta agus ocht mbliana san iomlán den taithí/oiliúint seo a leanas:
 - tréimhse/tréimhsí oiliúna cuí mar altra pédiatraiceach/oibrí cúraim do leanaí ó 0 go 3 bliana d'aois nó
 - taithí oibre mar altra pédiatraiceach/oibrí cúraim do leanaí ó 0 go 3 bliana d'aois:

NB Sa chomhthéacs sin, ní féidir oiliúint oibre a áireamh ach amháin más bliain acadúil amháin ar a laghad d'oiliúint lánaimseartha i ndiaidh an oideachais éigeantaigh atá i gceist agus dioplóma bainte amach ag a dheireadh a aithníonn Ballstát den Aontas Eorpach.

C. Eolas ar theangacha

(a) **Teanga 1** agus **An phríomhtheanga:** sáreolas (leibhéal C1 ar a laghad²) ar theanga oifigiúil amháin de chuid an Aontais Eorpaigh⁶

² Féach an creat tagartha ar shuíomh Europass. Is féidir teacht air ach cliceáil ar an nasc seo:

http://europass.cedefop.europa.eu/europass/home/hornav/Downloads/CEF/LanguageSelfAssessmentGrid.csp?loc=en_EN.

⁶ Is iad seo a leanas teangacha oifigiúla an Aontais Eorpaigh: BG (an Bhulgáiris), CS (an tSeicis), DA (an Danmhairgis), DE (an Ghearmáinis), EL (an Ghréigis), EN (an Béarla), ES (an Spáinnis), ET (an Eastóinis), FI (an Fhionlainnis), FR (an Fhraincis), GA (an Ghaeilge), HR (an Chróitis) HU (an Ungáiris), IT (an Iodáilis), LT (an Liotuáinis), LV (an Laitvis), MT (an Mháltais), NL (an Ollainnis), PL (an Pholainnis), PT (an Phortaingéilis), RO (an Rómáinis), SK (an tSlóvaicis), SL (an tSlóivéinis) nó SV (an tSualainnis).

(b) **Teanga 2**

eolas sásúil (leibhéal B2) ar an mBéarla, ar an bhFraincis nó ar an nGearmáinis (teanga nach í teanga 1 í).

I bhfianaise an bhreithiúnais a thug Cúirt Bhreithiúnais an Aontais Eorpaigh (an Mór-Dhlísheomra) i gCás C-566/10 P, Poblacht na hIodáile v an Coimisiún, is mian le hinstiúidí an Aontais a shonrú cé na fáthanna a bhfuil na teangacha as ar féidir an dara teanga a roghnú teoranta acu sa chomórtas seo do líon srianta de theangacha oifigiúla an Aontais Eorpaigh.

Dá bhrí sin, cuirtear in iúl do na hiarrthóirí gur roghnaíodh dara teangacha an chomórtais seo de réir leas na seirbhíse, leas a fhágann go gcaithfidh earcaigh nua bheith in ann dul i mbun oibre láithreach agus nach mór é a bheith ar a gcumas cumarsáid éifeachtach a dhéanamh le linn na hoibre laethúla. Ina éagmais sin, bheadh baol ann go gcuirfí bac mór ar obair na n-institiúidí.

Cleachtas seanbhunaithe is ea é an Béarla, an Fhraincis agus an Ghearmáinis a úsáid le haghaidh cumarsáid inmheánach in institiúidí an Aontais Eorpaigh agus, lena chois sin, is iad sin na teangacha is minice a mbíonn gá leo nuair a bhítear ag déanamh cumarsáid leis an saol lasmuigh nó ag láimhseáil cásanna. Ar a bharr sin, is iad an Béarla, an Fhraincis agus an Ghearmáinis na dara teangacha is leitheadaí san Aontas Eorpach agus is iad is mó a ndéantar staidéar orthu mar dhara teangacha. Ós amhlaidh atá, is féidir bheith ag súil faoi láthair le leibhéal áirithe oideachais agus inniúlachtaí gairme a bheith ag iarrthóirí ar na poist in institiúidí an Aontais Eorpaigh, mar atá, sáreolas ar cheann de na teangacha sin ar a laghad.

Dá bhrí sin, agus leas na seirbhíse agus riachtanais agus inniúlachtaí na n-iarrthóirí á gcur sa mheá, agus sainréimse an chomórtais seo á chur san áireamh, tá ábhar maith ann trialacha a eagrú sna trí theanga sin chun a chinntiú go mbeidh na hiarrthóirí uile in ann a gcuid oibre a dhéanamh i gceann amháin de na teangacha sin ar a laghad, is cuma cén chéad teanga oifigiúil atá acu. Ina theannta sin, chun go mbeidh cothrom iomaíochta ann, ní mór do gach iarrthóir – fiú má tá ceann de na trí theanga sin ina céad teanga oifigiúil aige – trialacha áirithe a dhéanamh sa dara teanga aige, agus beidh an dara teanga le roghnú as na trí theanga sin. Trí na hinniúlachtaí sonracha a mheas ar an dóigh sin, is féidir le hinstiúidí an Aontais a meas a thabhairt ar ábaltacht na n-iarrthóirí dul i mbun oibre láithreach i dtimpeallacht atá cosúil leis an timpeallacht ina n-iarrfar orthu bheith ag obair. Tá sin ar fad gan dochar don fhéidearthacht tríú teanga a fhoghlaim níos faide anonn i gcomhréir le hAirteagal 45(2) de na Rialacháin Foirne.

Tráth a gcláraithe, ní fhéadfaidh iarrthóirí ach ceann amháin de 24 theanga oifigiúla an Aontais Eorpaigh a roghnú mar phríomhtheanga (T1). Ní féidir rogha na dteangacha a athrú i ndiaidh an fhoirm iarratais ar líne a bhailíochtú.

V. CONAS CLÁRÚ AGUS AN SPRIOC-AM CLÁRÚCHÁIN

Ní mór duit iarratas a chur isteach ar líne agus na treoracha ar shuíomh gréasáin EPSO á leanúint agat (http://europa.eu/epso/apply/jobs/index_en.htm), agus go háirithe na treoracha sa [treoirleabhar maidir le clárú](#). Ní mór duit an t-iarratas a líonadh isteach i mBéarla, i bhFraincis nó i nGearmáinis.

Is fút féin amháin atá sé an t-iarratas ar líne a líonadh isteach roimh an sprioc-am. Moltar duit gan fanacht go dtí deireadh na tréimhse clárúcháin chun tú féin a chlárú mar go bhféadfadh sé, toisc trácht trom ar an idirlíon nó fabht a bheith sa nasc idirlín, go mbeadh ort an próiseas clárúcháin ar líne a thosú athuair, rud nach féidir a dhéanamh i ndiaidh an sprioc-ama.

Nuair a bheidh an t-iarratas bailíochtaithe agat, ní fhéadfaidh tú aon athruithe eile a dhéanamh air. Déanfaidh EPSO na sonraí a cuireadh isteach a phróiseáil láithreach chun an comórtas a eagrú.

SPRIOC-AM (an bailíochtú san áireamh):

An 23 Iúil 2015 ar 12 a chlog (meán lae), am na Bruiséile.

VI. CÉIMEANNA AN PHRÓISIS ROGHNÚCHÁIN

Tá dhá chéim sa nós imeachta roghnúcháin:

CÉIM 1	AN SCAGTHÓIR BUANNA (DE: TALENTFILTER, EN: TALENT SCREENER, FR: ÉVALUATEUR DE TALENT)
CÉIM 2	AN TRIAIL INNIÚLACHTAÍ

CÉIM 1 AN SCAGTHÓIR BUANNA

Déanfar réamhroghnú ar bhonn cáilíochtaí na n-iarrthóirí, go háirithe maidir lena ndiplómaí agus lena dtaithí oibre, de réir na gcritéar atá leagtha amach thíos. Na hiarrthóirí a bhfuil na próifílí acu is fearr a oireann do na dualgais agus do na critéir roghnúcháin, tabharfar cuireadh dóibh na trialacha inniúlachtaí a dhéanamh.

Ag an gcéim sin den phróiseas roghnúcháin, ceapfar painéal roghnúcháin chun cuidiú le EPSO, go háirithe chun an roghnú ar bhonn cáilíochtaí a dhéanamh. Is éard atá sa chéad chéim anailísiú ar na dearbhuithe a rinne an t-iarrthóir maidir leis na critéir thuasluaite.

Critéir an scagtha:

1.	Taithí oibre bliana amháin ar a laghad a bhaineann le cúram na luath-óige i ngrúpa
2.	Oideachas iar-mheánscoile nó dara leibhéal bainte amach a bhaineann le cúram agus oiliúint na luath-óige
3.	Dioplóma i réimse na hóige sa bhreis ar an dioplóma atá luaite faoi chritéar 2
4.	Tréimhsí oiliúna a bhain le cúram leanaí ó 0 go 3 bliana d'aois (3 lá ar a laghad agus in eagraíocht ghairmiúil)
5.	Eolas sásúil (leibhéal B2 ³) ar cheann de na teangacha seo a leanas nó ar roinnt acu: an Béarla, an Fhraincis nó an Iodáilis (fiú más teangacha 1 agus/nó 2 atá i gceist)
6.	Taithí oibre ar mhodh oideachais ghníomhaigh a úsáid
7.	Taithí oibre a fuarthas, nó tréimhse oiliúna a rinneadh, le déanaí (le 3 bliana anuas) ar gharchabhair agus/nó athbheochan charda-scamlógach
8.	Taithí oibre nó tréimhse oiliúna a caitheadh le leanaí a bhfuil riachtanais speisialta

³ Féach an creat tagartha ar shuíomh gréasáin Europass: http://europass.cedefop.europa.eu/europass/home/hornav/Downloads/CEF/LanguageSelfAssessmentGrid.csp?loc=fr_FR

	acu.
9.	Taithí oibre nó tréimhse oiliúna i gceann de na réimsí seo: litríocht do leanaí / scéalta, ceol, ceardlanna ealaíne

Is ar bhonn na ndearbhuithe a rinne tú sa chluaisín 'scagthóir buanna', agus **ar an mbonn sin amháin**, a dhéanfar an roghnú:

— Tabharfar ualú ó 1 go dtí 3 do gach ceist, de réir na tábhachta atá ag critéar na ceiste.

— Scrúdóidh an bord roghnúcháin freagraí na n-iarrthóirí agus tabharfaidh sé marc ó 0 go dtí 4 do gach freagra; iolrófar na marcanna ansin faoin ualú atá ag an gcritéar i gceist.

Na hiarrthóirí a ghnóthóidh an méid is mó marcanna, tabharfar cuireadh dóibh an triail inniúlachtaí a dhéanamh (beidh líon na n-iarrthóirí dá dtabharfar cuireadh an triail inniúlachtaí a dhéanamh cothrom le tuairim is trí oiread líon na n-iarrthóirí atá iarrtha ag gach institiúid). Maidir leis an áit dheireanach, i gcás ina ngnóthóidh roinnt iarrthóirí an marc céanna, tabharfar cuireadh dóibh ar fad an triail inniúlachtaí a dhéanamh.

Tabhair do d'aire: má thugtar cuireadh chun agallaimh duit, beidh ort do chuid doiciméad tacaíochta uile a chur ar fáil. Má fhaightear amach nach bhfuil an fhaisnéis a thug tú cruinn, dícháileofar thú ón bpróiseas roghnúcháin agus bainfear d'ainm as an mbunachar sonraí.

CÉIM 2 TRIAIL INNIÚLACHTAÍ

Déanfaidh na hiarrthóirí triail inniúlachtaí chun go bhféadfar a n-eolas i réimse na próifíle i gceist (altraí péidiatraiceacha/oibrithe cúraim do leanaí ó 0 go 3 bliana d'aois i naíolann) a bhfuil cur síos uirthi san fhógra seo i Roinn II a mheas.

Gach iarrthóir a ghnóthaigh pas, cuirfear a ainm sa bhunachar sonraí.

Cineál na trialach	Fad ama na trialach	Teanga na trialach	Uasmhéid pointí	Pasmharc
Ceisteanna ilroghnacha	50 nóiméad	Teanga 2 (T2)	25	16

Déanfar an triail ar ríomhaire agus beidh sí ar siúl in ionaid scrúdúcháin ar fud na mBallstát. Cuirfear na hiarrthóirí ar an eolas faoi na socrúithe ina leith sin in am trátha.

VII. TORTHÁÍ NA dTRIALACHA

Déanfar torthaí an scagthóir buanna agus torthaí na dtrialacha inniúlachtaí a fhoilsiú i gcuntas EPSO na n-iarrthóirí.

VIII. AINMNEACHA A CHUR SA BHUNACHAR SONRAÍ

Déanfar ainmneacha na n-iarrthóirí a ghnóthaigh pas sa triail inniúlachtaí a iontráil sa bhunachar sonraí; ní fhoilseofar iad in áit ar bith eile. Beidh rochtain ag an gCoimisiún Eorpach ar an mBunachar Sonraí. Féadfaidh institiúidí/gníomhaireachtaí Eorpacha eile rochtain a fháil ar

an mbunachar sonraí, má theastaíonn na próifílí atá sa bhunachar sin uathu. Beidh an bunachar sonraí bailí go ceann trí bliana ón dáta a gheobhaidh na hiarrthóirí a dtorthaí.

IX. ROGHNÚ FÉACHAINT DAOINE A EARCÚ

Ní hionann ainm duine a bheith sa bhunachar sonraí agus gealltanas go dtairgfear post dó. De réir mar a thiocfaidh folúntais chun cinn, cuardóidh na hinstiúidí an bunachar sonraí agus tabharfaidh siad cuireadh chun agallaimh do na hiarrthóirí is fearr a oireann do dhualgais an phoist. Má éiríonn an t-agallamh go maith leis an iarrthóir, is féidir go bhfaighidh sé tairiscint fhoirmiúil poist. Déanfar eolas an iarrthóra ar an bpríomhtheanga a mheas le linn an agallaimh sin freisin. Tabharfar Conradh 3A⁴ (gníomhaire ar conradh) don iarrthóir a roghnófar don phost, mar a léirítear thíos.

Conradh	Áit oibre
Conradh 3A (ar féidir conradh tréimhse éiginnte a theacht as)	Oifigí 'Bonneagar agus Lóistíochta' an Choimisiúin sa Bhruiséil (OIB) agus in Ispra (OIB)

X. NÓSANNA IMEACHTA ATHBHREITHNITHE/ACHOMHAIRC

Tá na nósanna imeachta athbhreithnithe le fáil anseo:

http://europa.eu/epso/apply/how_apply/importantdocuments/index_ga.htm

XI. CUMARSÁID

Rachaidh EPSO i dteagmháil leat trí do chuntas EPSO. Is fút féin atá sé do chuntas EPSO a sheiceáil go tráthrialta — dhá uair sa tseachtain ar a laghad — chun dul chun cinn an phróisis a leanúint agus chun an fhaisnéis a bhaineann le d'iarratas a sheiceáil. Mura féidir leat sin a dhéanamh de dheasca fadhb theicniúil ar thaobh EPSO, ní mór duit EPSO a chur ar an eolas faoi sin láithreach.

Chun aon chomhfhreagras a dhéanamh le EPSO, iarraidimid ort dul chuig an [leathanach teagmhála](#) nó [eu-careers.info](#).

Lena chinntiú go dtuigfidh gach duine na téacsanna ginearálta agus an chumarsáid uile idir tú féin agus EPSO i gceart, ní úsáidfeadh ach an Béarla, an Fhraincis agus an Ghearmáinis sna cuirí chuig na trialacha éagsúla agus i ngach comhfhreagras idir tú agus EPSO.

XII. FORAS DÍCHÁILITHE A BHAINNEANN LEIS AN bPRÓISEAS CLÁRÚCHÁIN

Déanann EPSO gach iarracht féachaint chuige go gcloítear le prionsabal na córa comhionainne. Dá bharr sin, má fhaightear amach ag aon chéim den nós imeachta gur chruthaigh tú níos mó

⁴ Faoi Airteagal 3a de Choinníollacha Fostaíochta Sheirbhísigh eile an Aontais Eorpaigh agus faoi na coinníollacha atá leagtha síos ansin agus i bhForálacha Ginearálta Cur Chun Feidhme na hinstiúide, gníomhaireachta nó oifige.

ná aon chuntas EPSO amháin, gur chuir tú níos mó ná aon iarratas amháin isteach sa phróiseas roghnúcháin seo nó go ndearna tú aon dearbhuithe bréagacha, dícháileofar thú.

Is féidir go ngearrfar pionós ort má dhéanann tú calaois nó iarracht ar chalaois. Ba mhaith linn a chur in iúl duit nach n-earcaíonn na hinstiúidí ach na daoine sin a léiríonn go bhfuil siad sár-ionraic iontaofa.

XIII. SOCRUITHE SPEISIALTA

(a) Míchumas atá ann tráth an t-iarratas a dhéanamh

1.	Má tá tú faoi mhíchumas nó má tá bail ort a d'fhéadfadh bac a chur ort agus na trialacha á ndéanamh agat, cuir tic sa bhosca a bhaineann leis sin ar an bhfoirm iarratais ar líne agus léirigh na socruithe a mheasann tú a bheith riachtanach chun déanamh na dtrialacha a éascú duit agus cuir isteach uimhir an phróisis roghnúcháin agus d'uimhir iarratais (seachain agus ná fág na huimhreacha sin ar lár).
2.	A luaithe is féidir é i ndiaidh duit d'iarratas ar líne a bhailíochtú, cuir isteach teastas leighis nó teastas ó chomhlacht aitheanta (de réir mar a bheidh) a dheimhníonn tú a bheith faoin míchumas sin. Scrúdófar na doiciméid tacaíochta ionas gur féidir socruithe ar leith a dhéanamh a oirfidh do gach cás chun go sásófar (a mhéid is féidir é) iarrataí a mheasfar a bheith réasúnta. Ba cheart iarrataí agus doiciméid tacaíochta a sheoladh: trí ríomhphost chuig: EPSO-accessibility@ec.europa.eu nó mar fhacs chuig an uimhir seo: +32 22998081, agus 'EPSO accessibility' luaite air nó tríd an bpost chuig: European Personnel Selection Office (EPSO) "EPSO accessibility" (C-25) 1049 Bruxelles/Brussel BELGIQUE/BELGIË

(b) Míchumas a thagann chun cinn i ndiaidh don iarrthóir a iarratas a chur isteach

1.	Má thagann míchumas den chineál thuasluaite chun cinn i ndiaidh an sprioc-ama do na hiarratais ar líne, ní mór duit EPSO a chur ar an eolas faoi a luaithe is féidir é. Luaigh i scríbhinn na socruithe a mheasann tú a bheith riachtanach agus cuir isteach na doiciméid ina bhfuil fianaise maidir le do mhíchumas.
2.	Ba cheart doiciméid a chur: trí ríomhphost chuig: mar fhacs chuig an uimhir seo: +32 22998081 agus 'EPSO accessibility' ina ábhar aige nó tríd an bpost chuig: European Personnel Selection Office (EPSO) "EPSO accessibility" (C-25) 1049 Bruxelles/Brussel BELGIQUE/BELGIË